

Dienelkander



Nuusbrief van die Gereformeerde Kerk Potchefstroom-Oos

27 Mei 2018

WAPENDRAERSONDAG: Ds Piet

Tema: Bid dat God ons geestelike leiers deur Christus beskerm teen die aanvalle van Satan.

Die Here Jesus is vir die heel laaste keer voor sy kruisiging besig om die 11 geestelike leiers van die toekomstige kerk toe te rus vir hulle taak. Dit was die laaste pasga wat hulle saam gevier het en waar Jesus die Nagmaal ingestel het! Dit was 'n aand van diep gesprekke, groot dade (voetwassing) en ernstige gebede (Joh 17)!

Dit was ook tyd om die dissipels te waarsku dat die magte van die Bose hulle as leiers geteiken het om hulle tot 'n val te bring! Die slegte nuus is: die Satan het "gebid" en God het sy versoek toegestaan - hulle geloof gaan getoets word!

Maar die goeie nuus is: Christus het ook gebid! Hy het gebid dat hulle sal stand hou! En op grond van sy gebed en sy dade het God die dissipels staande gehou! Daarom moet ons sonder ophou vir ons leiers bid dat God hulle sal bewaar en gebruik om die kerk op te bou! (2 Tes 3: 1 - 2)

Lofsang met die oog op die erediens
Lied 464:1, 3, 4 en Lied 258: 1, 3 (Mel van Sb 7-2)

Ontmoetingsdiens

Intreelied Ps 122-1: 1, 2; Votum; Seën;

Lofsang Ps 2-1: 1, 3, 6 (Tweede Mel);
Geloofsbelofte: NGB art 30

Verootmoedigingsdiens

Wetlesing: Fokus op Vyfde gebod; HK
Sondag 39; Sing Ps 25-1: 3; Gebed


Woorddiens

Skriflesing: Johannes 17: 1 - 19 en
Lukas 22: 24 - 34
Fokusverse: vers 31 en 32
Sing Sb 14-3: 1, 3; Woordverkondiging

Antwoorddiens

Gebed; Liefdegawes; Sing Lied 477: 1, 2;
Seën; Amenlied Sb 13-3.

Wapendraerseremonie



Uiteensetting van doelwit en uitdeel van wapendraer toewydingskaartjies
Voorstel van gemeentelike leiers
Gebed deur Dries Schutte
Gemeente sing die gemeenteleiers die seënbede van Ps 20-1: 1, 2, 6
Gemeente handig kaartjies in by die deure en ontvang Wapendraer-toerustingsmateriaal van die Vlamvat-taakspan.

AANDDIENS: Ds. Piet

Tema: Leef jou liefdesopdrag van God uit want liefde oorwin alles en almal.

Die herrie wat die afgelope week op alle media losgebars het oor die optrede van Supersport se rugbykommentators het opnuut 'n diep sweer in ons samelewing oopgesny en al sy aaklike, vernietigende inhoud van rassisme, haat, jaloesie, rusie, onverhoorde oordeel, meerderwaardigheid, minderwaardigheid en disrespek laat uitkook. Dit is inderdaad soos ons teks beskryf "nag" in ons samelewing!

Wat was, of is jou opinie? Hoe het jy op die gebeure gereageer? Het jy bygedra tot die donker van die "nag" of het jy 'n ligstraal van liefde laat skyn? Want sien: daar is vir my en jou geen ander opsie nie, ons opdrag is om met liefde te leef en dit so prakties en duidelik te doen dat ons soos helder ligstralé in die nag hoop kan bring! Want dis is net volgehoue, opofferende liefde wat alles en almal oorwin! Ook die nag van ons Suid-Afrikaanse samelewing!

Lofsang met die oog op die erediens

Lied 213: 1, 2 en Lied 205: 1, 2

Ontmoetingsdiens

Intreelied Lied 151: 1, 2; Seën ; Lofsang
Lied 334: 1, 2, 3, 4; Gebed

Woorddiens

Skriflesing: Romeine 13 : 8 – 1;
Fokusvers: Romeine 13: 8
Belydenis: HK vrae 86 en 91; Woordver-kondiging

Antwoorddiens

Gebed; Liefdegawes; tyd vir oordenking;
Sing Sb 14-1: 2, 3; Seën; Amenlied Sb 13-2.

MEELEWING

Tannie Blossem Pretorius se suster is Donderdag oorlede. Ons bid hulle die troos van die Here toe.

ONS VRA VOORBIDDING VIR DIE VOLGENDE LIDMATE WAT SUKKEL MET SIEKTE OF SWAK GESONDHEID
Janet vd Walt, Isak vd Walt, Tjaart Snymans, Andy en Blossom Pretorius en Koos en Marlene Jooste.

ONDERSTEUNING VIR SIEKES

Vir ondersteuning of besoeke deur die hospitaalbesoeke-diensgroep, skakel hierdie week vir: siekes@oosdoppers.co.za of Ernest de Vries (082 903 8422)

ONS GROET

Zard Aucamp wat met attestaat vertrek na GK Cachet.

PROGRAM VAN DIE WEEK

Vandag

09:00 Gebedsgroep
09:30 Oggenddiens
Kleuterbediening
Katkisasie Les 12
Tee en Koffie in die Skuur
18:00 Aanddiens

Maandag

17:15 Finansies: Tel
18:00 Oosdopperfees: evaluering
18:30 Finansdiensgroep

Dinsdag

Geen Manne-ondersteuningsgroep
18:00 Geen Katkisasie gr 11 (afgesluit vir die kwartaal)

Woensdag

Geen Bybelstudie
17:30 Katkisasie Gr 8 - Jaco Lemmer
18:30 Gebed- en Ondersteuning
18:30 Bybelstudie: Klipdrif

Donderdag

18:00 Ouderlinge Blokvergadering - Blokke C en D (Groepe 21 - 40)
19:00 Ouderlinge Blokvergadering - Blokke A en B (Groepe 1 - 20)

Vrydag

14:00-16:00 Gesamentlike Laerskooljeugaksie

Volgende Sondag

Muntlegging

**DIE VOLGENDE LIDMAAT WORD VIR
GOEDKEURING VOORGEHOU OM TE
DIEN AS DIAKEN**

Br. Willie van Vuuren

AFKONDIGINGS

- Liefdegawe vanoggend vir Barmhartigheid (Zapper betaalmetode beskikbaar)
- Gawe by die deure vanoggend vir die Diakonie.
- Gawes volgende Sondag vir Bybelverspreiding
- Vrywillige bydrae vir voertuigsekuriteit in die bussies by die deure.
- Diensbeurte: Groep 28 en 29.

VERJAARSDAE

Baie geluk aan almal wat DV hierdie week verjaar!

Sondag, 27 Mei

Sr Elize Schutte (70) 082 444 2102

Maandag, 28 Mei

Sr Mariska vd Walt 078 101 6262

Dinsdag, 29 Mei

Sr Laura Opperman (85) 076 978 3999

Donderdag, 31 Mei

Jbr Christiaan Alberts
Sr Sonette Turkstra 082 441 3471
Sr Myrna v Eyssen 064 039 3091

Vrydag, 1 Junie

Sr Stephanie Earle 083 690 3404
Sr Sannie Grové (87) 082 871 6843

Saterdag, 2 Junie

Br Johan du Plessis 082 255 5441
Br Chris Hattingh (70) 083 625 7426

OOSDOPPERFEES en GHOLFDAG
Dankie! Dankie! Dankie!

Ons wil graag baie dankie sê vir almal wat by hierdie twee projekte betrokke was. Ons het groot waardering vir jou bydraes en hulp met die voorbereidings. Dankie ook aan almal wat deur die week en veral op Vrydag en Saterdag hard gewerk het om ons twee projekte suksesvol af te handel.

Ons moes twee groot "vlieë met een hou bykom" en deur die genade en hulp van die Here kon ons dit regkry! Ons dank Hom vir die gees van liefde, diensbaarheid en onderlinge liefde van sovele lidmate wat weer deur hierdie projekte so duidelik geblyk het. Baie dankie aan die Projekte diensgroep en hulle taakspanne wat so hard gewerk het.

WERKSGELEENTHEDE

Die diakonie versoek dat lidmate wat opsoek is na werk, hul CV's na die kerkkantoor stuur. Lidmate wat werk het om aan te bied, word ook gevra om hulle inligting na die kerkkantoor te stuur. Die diakonie sal die inligting dan gebruik om te kyk waar hulle lidmate kan help.
(kerkkantoor@oosdoppers.co.za)

ONS NOOI JOU UIT NA DIE NASKOOLSE JONGMENSE SE BYBELSTUDIE-GROEP

Enige naskoolse jongmense (werkendes /studente/getroud/ongetroud): Is jy opsoek na 'n Bybelstudie of kleingroep of plek waar jy geloof met ander jongmense kan deel? Kom sluit by ons "Elim-bybelstudie" aan. Donderdagaande om 19:00-20:30 in die kerksaal in "*Elim*". Ons soek die Evangelie se antwoorde op relevante vrae!

Kontak (Hanno: 072 105 3961; Jaco: 083 610 2421)

DIE DIREKTE VERTALING (2020?)

In 2005 het die Bybelgenootskap van Suid-Afrika besluit dat 'n nuwe vertaling van die Bybel in Afrikaans voorberei moet word. Tans staan hierdie vertaling bekend as Die Bybel in Afrikaans: 'n Direkte Vertaling. In 2014 het daar 'n proefvertaling van die Nuwe Testament en Psalms verskyn en die verwagting is dat die volledige Bybel in 2020 sal verskyn.

Wie het besluit dat 'n nuwe vertaling gemaak moet word? Die Bybelgenootskap het dit besluit, maar die besluit het gevolg op 'n versoek van die Bybelgenootskap se Kerklike Advieskomitee dat 'n nuwe vertaling gemaak moet word. Alle kerke wat Afrikaans gebruik is lid van hierdie komitee, ook ons kerk. Die eerste versoek vir so 'n nuwe vertaling het van die sinode van ons kerke gekom, in die 1990's. Nadat ons die versoek gerig het, het die Bybelgenootskap 'n simposium hieroor gereël. Die Bybelgenootskap het dus besluit om 'n nuwe vertaling te onderneem omdat die kerke – en veral ons – daarvoor gevra het.

Dit was 'n versoek vir 'n spesifieke soort vertaling. Soos verlede week aangetoon, is

die 1983-vertaling gerig op verstaanbaarheid. Dit is dus 'n vryer vertaling. Die behoefte was vir 'n meer letterlike vertaling, nader aan die 1933/53-vertaling, maar dan in vandag se Afrikaans. Die werk het in 2006 begin en feitlik alle kerke wat Afrikaans gebruik, was van die begin af deel van die projek. Die doel van die vertaling is soos volg geformuleer:

Skep 'n goed verstaanbare, bronteksgeoriënteerde Afrikaanse vertaling van die Bybel wat geskik is vir voorlesing en gebruik in eredienste, asook vir kategese, Bybelstudie en persoonlike gebruik.

Hierdie vertaling is van die begin af in vyf fases beplan. In fase 1 is 'n vertaalspan van gewoonlik drie persone benoem om 'n eerste vertaling van 'n Bybelboek te maak. Die span het twee kenners van Grieks of Hebreeus ingesluit en een persoon wat kon help om die vertaling in goeie Afrikaans te maak. In die tweede fase is hierdie vertalings deur redaksiekommisjies (vir die Ou Testament en die Nuwe Testament) hersien. Die proefvertaling wat in 2014 verskyn het, was na die afhandeling van fase 2 van die Nuwe Testament en Psalms. Hierna kon mense kommentaar op die vertaling lewer, veral mense wat deur die kerke benoem is. In die fase 3 word hierdie kommentaar deur die redaksies beoordeel en die vertaling aangepas waar nodig. Die hele Nuwe Testament is deur fase 3 en die hoop is dat die Ou Testament teen die einde van 2018 ook sover sal wees. In fase 4 word gelet op konsekwentheid in die vertaling, byvoorbeeld tussen die vier evangelies. Fase 5 is bloot die finale goedkeuring van die vertaling. Die laaste twee fases behoort

teen Mei 2019 afgehandel te wees. In fase 1 het baie van ons teologiese professore en dominees saamgewerk. Jorrie Jordaan (Nuwe Testament) en Heilna du Plooy en Herrie van Rooy (Ou Testament) dien op die redaksiekommisies en kan getuig van die wonderlike samewerking en goeie gees waarin die werk onderneem word, met die doel om 'n vertaling in vandag se Afrikaans te maak, maar so naby aan die Hebreeuse en Griekse tekste as moontlik.

**Kollekte volgende Sondag by die deure:
Bybelverspreiding**

AMANDELBLOEISELS

Die Amandelbloeisels het weer opgedaan vir hulle maandelikse byeenkoms. Ds Pieter vd Walt het vir ons geopen en lees 'n paar verse uit Rom. 12. Dit handel oor hoe ons in die voetspore van Jesus kan wandel deur nie toewyding te verslap nie en ten spyte van die aftakeling van die ouderdom die Here met geesdrif te dien, te volhard in gebed en ander in hulle nood by te staan. Om gasvry te wees en in vrede met alle mense te leef. Nadat ons, ons huishoudelike sake afgehandel het, is ons na Kumkani Lodge, waar ons getrakteer is met versnapperinge, tee en koffie.

Dankie aan Fanie en Lallie wat die uitstappie vir ons gereël het.

Groete van huis tot huis

KERKLIKE TYDSKRIFTE

Die kerklike tydskrifte vir April en Mei is in die kerkkantoor beskikbaar vir lidmate wat daarop ingeteken is.

KENNISGEWINGBORD

- Skoolverlaterskamp 8-13 Julie 2018

ROLSTOEL-RUIMTE

In die agterste, regtervleuel van die kerk is daar vir 2 rolstoele ruimte gemaak vir gemak van rolstoellidmate. Aanwysings by die deure. Maak gerus daarvan gebruik.

**BILTONGFEES - GK MOIRIVIER:
8 JUNIE 2018**

Vrydagaand 8 Junie 2018: 18:00 vir 18:30
By die banketsale. (Madiba Hall)

In die vorm van 'n buffetete. Eet soveel biltong as wat jy kan, maar geen "doggy-bags!" Daar sal sowat 20 verskillende verwerkte vleisprodukte wees: bees- en wildsbiltong. Droëwors, cabanossies, "velle" en nog meer. Die wat dit al in die verlede bygewoon het, sal weet dat 'n fees is om nie mis te loop. Voeg daarby tuisgebakte brode en tuisgekookte konfytte. 'n Koeksister of twee met koffie/tee rond alles af. Kontantkroeg, nie deur ons bedryf, beskikbaar.

Navrae en kaartjies: Ds. Koos Mouton, 082 925 3959, of Hanneljie du Preez: 082 443 0436.

Volwassenes: R160, laerskoolkinders: R90, Voorskools: R20. (Hoërskoolkinders word as volwassenes beskou! Hulle eet soms meer as die volwassenes!)

Moet dit nie misloop!

**WOORDKAFEE: FOKUS OP GOD SE
BELOFTES**

Rona Zwarts, die bekende kunstenaar wat met haar skilderye-uitstalling langs Geref Kerk die BULT se kerksaal tydens Aardklop verlede jaar meer as 1000 besoekers getrek

het, besoek Potchefstroom weer eersdaags. Ter ondersteuning van Woordkafee kom sy by Woordkafee 'n werkswinkel aanbied met die titel VISUALISERING VAN GOD SE BELOFTES. Sy bied dit vindingryk op so 'n wyse aan dat deelnemers nie in staat hoef te wees om te kan teken of skilder om baat daarby te vind nie, omdat dit vir haar in die eerste plek om die Bybel se boodskap gaan. Dit vind plaas op Donderdag 31 Mei 2018 om 9:00 - 12:00. Die inskrywingfooi van R250.00 sluit al die benodigdhede en ook verversings in. Slegs 'n beperkte aantal plekke is beskikbaar en voorafbespreking is noodsaaklik.

Navrae kan gerig word aan Ena of Theo Jooste by 0724861325 of 0824035130.

BEROEPE **BEROEPE ONTVANG**

- Ds JL Lee (Jan-Louis) van Pietersburg-Noord na Brits.
- Ds WJ (Willem) Steyn van Potchefstroom Die Bult na Vereeniging.

ALGEMENE INLIGTING

• WOW-HERWINNINGSWERELD (WEN ONS WêRELD)

Papier, plastiek, karton, glas, blikkies en polystyrene - *hoef nie gesorteer te wees nie, herwinningsitems moet wel in plastieksakke toegebind wees. ASB GEEN huisafval nie!* Die glas/blikkies/plastiek moet asb uitgespoel wees.

• LIEFDEGAWES VIR BARMHARTIGHEID (DIAKONIE) ZAPPER

(Selfoon toepassing)

Hierdie QR simboolkode is



gekoppel aan die Diakonie se rekening en **slegs bydraes vir Barmhartigheid** kan daarmee gemaak word - geen ander betalings aan die Diakonie of kerkraad nie

• SOSIALE MEDIA VIR ONS GEMEENTE

Webblad: www.oosdoppers.co.za

Facebook: www.facebook.com/oosdoppers

Beeldmateriaal van preke kan hier gesien word:

<http://ow.ly/ivfZ309vsdc>. Ds Piet stuur weekliks sy preke per e-pos uit. Laat weet hulle indien jy dit wil ontvang.



KONTAKBESONDERHEDE: PREDIKANT, HULPDIENS & KANTOOR

Ds. Piet: 018 290 5635 / 082 779 1237

Hulpdiens: Ds. Pieter vd Walt –
082 851 3637
Prof. Herrie v Rooy –
083 700 3933

Kerkkantoor: Adele 018 290 7690

Kosterspaar: Johan 061 336 7255
Elsa 073 959 8051

SUSTERS IN DIE GELOOF

"Skuil Onder God se Vleuels"



TEESKINKGELEENTHEID

- *Baie dankie aan die groepsusters en hulle groepe se susters, broers en kinders wat met die skink en opwas help!*
- *Ons moedig susters en broers, selfs gesinne aan om met die skink en opwas te kom help – so leer ons mekaar en ons nuwe groepe beter ken!*

Tee word **vandag** deur die volgende groeplede en hul groepsusters bedien: Marlise Styger en groep 8, Ina Jordaan en groep 17, Marike Grobler en groep 30, asook Marie du Plessis en groep 37.

Volgende week skink Lorette Bester en groep 9, Hannelie Pieters en groep 19, Engela vd Walt en groep 38, asook Erika Rood en groep 40 se susters, tee. *Baie dankie julle!*

BLIKKIES-WARMHARTE

Die doel van die blikkies (wat jy in die voorportaal van die kerk kan kry) is dat almal hulle lastige kleingeld in 'n blikkie sal goo en die vol blikkie dan in die voorportaal van die kerk sal neersit. Die geld word dan gebruik om blomme of iets toepaslik aan te koop vir iemand wat deur beproeing gaan. ***Baie dankie vir julle getroue bydra!***

KWARTAALPROGRAM

DATUM	DAG	TYD	WIE	WAT
03-Jun	Sondag	19:00	Blok D	Ouderlingverversings
10-Jun	Sondag	12:00	Blok B	Nagmaalete
16-Jun	Saterdag	09:00	Blok A	Sustersamekoms

BAIE DANKIE AAN ONS BORG VAN DIE WEEK!

HUIZEMARK

EIENDOMSAGENTSKAP

**ONS HET VOORDUREND POSTE BESKIKBAAR
VIR AGENTE EN BEMARKERS**

ONS DOEN :
Verkope & Verhurings
* Huise, * Woonstelle,
* Meenthuise,
* Besigheidspersele,
* Plase, * Plotte




**VIR ALLE
EIENDOMSBEHOEFTES**
SKAKEL
Rolene vd Walt
082 859 6209
Linda Nolte
082 785 3951

OOSDOPPERTJIES

Jes. 43:1b "Ek het jou op jou naam geroep, jy is myne."

Liewe Oosdoppertjies!

Ons gaan op 3 Junie tydens die katkisasie-afsluiting van hierdie kwartaal weer 'n muntlegging hou! Maak solank jou munte bymekaar sodat jy genoeg munte het om deel te neem aan die muntlegging!



PETRUS

Matteus 14:29 "Kom!" sê Hy. Petrus het uit die skuit geklim, op die water begin loop en naby Jesus gekom."

Jesus het op die water geloop en was nie bang nie. Petrus het begin om op die water te loop, maar hy het bang geword toe hy die sterk wind na sy kant toe sien waai. Party mense sê dat Petrus maar min geloof gehad het, maar hy is die enigste een van die dissipels

wat uit die boot geklim het en na Jesus toe geloop het. Dit lyk of Petrus aanvanklik dapper was, maar dat hy bang geword het toe hy die wind sien.

Party mense is altyd bang en vertrou nooit op God nie en ander vertrou God aanvanklik, maar word dan bang sodra probleme opduik. God wil hê ons moet Hom altyd vertrou. Hy wil hê jy moet Hom vertrou wanneer jy sy opdragte uitvoer en selfs wanneer slegte dinge gebeur.